

函 牘

華僑紀念日通請回國華僑函

敬啓者。本校遷至康樂，已閱十七年。規模粗具。固由山西人士艱難締造。而大中小校各宿舍之成立，得自海外僑胞捐資建築者實多。如大學之爪哇堂。小學之陳嘉庚堂。張朱潤芝室。皆足留永遠之紀念。而北美洲嶺南共進會。自民國三年由美國及加拿大華僑發起。至今成立三十餘處。每年皆有捐款。爲本校常費。此皆本校同人所感謝不忘者。又近如日本、檀香山、斐律濱、安南、暹羅、緬甸、印度、澳洲、及南洋群島。遠至南北美洲、歐洲之西、斐洲之南。舉凡我僑胞所到之地。其子弟歸國就學之數。與年並增。有時因言語差異。程度不齊。教育上不免困難。乃有華僑學校之組織。其校舍一座。則大埔張弼士家所認捐。而紀念先生者。并蒙安南、暹羅、日里、各地僑胞相繼扶助。華僑學校於焉成立。辦理四年。頗有成績。學生之由此升入大學中學者不少。緬念本源。實出自我僑胞之美意。是由校務會議。決定每學年內擇一日爲華僑日放假紀念。永以爲例。今年擇定五月六日。

舉行。是日校內僑生、校外僑胞、歡聚一堂。有種種遊戲、會集演講、聯絡情誼。爲此函達台端。屆時務希惠臨。藉增

光寵。專此并頌。

時祺

嶺南

大學副監督鍾榮光
華僑校校長林耀翔 謹啓

華僑紀念日報告各埠華僑函

某某先生鑒。本校開辦以來、深蒙海外僑胞、熱誠扶助。特於每年舉行華僑日一次、放假一天、永留紀念。今年曾在五月六日舉行。是日男女來賓數百人。本校預先籌備紫洞艇、及電輪多艘、往來迎送。並多派教職員學生等、沿途招待。自午前十時、至午後一時半、嘉賓陸續蒞止。先行參觀大中小學、及本校各種成績。次及農林畜牧各種展覽。各部雖雛形僅具。各員雖招待未週。然亦深蒙嘉賓之賞識、交口稱許。是日各賓遊興正濃。延至兩時半、方始開會。秩序除由校員學生奏樂、歌詩排演諧劇外、復蒙各埠來賓代表、次第演說。痛陳僑胞近年狀況、及陳述教育之補救。其感人最深者、則爲南洋代表內務部礦務